

同治庚午續錄五十八

王先謙敬編 張式恭校

是七月二十諭軍機大臣等曾國荃奏布置西北防務情形一摺捻匪全股由汝陽處西趨意圖窺伺鄂邊襄樊隨東一帶與信陽陽州處毗連官文曾國荃見已通飭水陸各營實力堵堵並郭松林等軍先赴德安再進隨州扼要分佈隨州屬周安該撫擬俟捻蹤竄至鄂境即馳赴德安督辦軍務具徵於任事甚屬可嘉惟此時捻氛業已逼近鄂省國荃若先期前赴德安豫籌防務於布置調度機宜尤急便捷著即酌度理會國藩亦宜嚴飭周盛波等軍與鄂軍相援應會合夾擊毋任該匪肆行蔓延鮑超一軍自粵東撤回後節節退還鄂省以來尚未與賊接仗任意遲延坐耗餉項殊屬不成事體仍著官文曾國荃傳諭該提督迅赴豫境會同各軍合力剿辦毋得玩視軍務自干重咎前據御史朱鎮公請飭劉連捷幫辦楊岳斌軍務等語楊岳斌所部多係水師劉連捷於陸路戰頗熟該員此時應已病愈著曾國荃令劉連捷即飭令赴甘肅楊岳斌調遣將七月二十日諭旨知之○崇實駱秉章奏遵覆黔省防剿事宜請仍留周達武在川帶兵一摺另片奏署遵義令馮樹金接請飭撤省查辦等語前據崇實等奏劉嶽昭於發摺後即馳赴遵義行營此次所發摺報相距二十日而劉嶽昭尚未定期赴黔等語意遲延不知緩急輕重到嶽昭身受厚恩務當懷遵疊次諭旨迅將黔西大定畢節一帶土匪殲除淨盡速赴新任以重疆守毋再遲誤干咎崇實駱秉章恐黔西等處匪徒被剿觀突川疆擾亂周達武暫行在川帶兵係為保衛邊圉起見在劉嶽昭仍回遵義辦賊足資統攝周達武善准其暫留川省一俟邊防稍鬆即行前赴貴州提督本任毋得藉端奏遲義各寨甫經就撫必得地方官妥為綏輯方能漸次安定若如崇實駱秉章所稱署知縣馮樹金貪婪惟事接括近復招練為名橫加苛派是該處之民既死於賊復死於官僅復激成事端又將重煩兵力著張亮基即將馮樹金撤省嚴行查辦該員接署以蘇民困將此由五百里各諭令知之○于新江殉難知縣湯金策祭葬世職○已未飭山西迅解甯夏餉需○內閣李雲麟奏請將昏懦慢事及避賊出境之大員密辦一摺科布多參贊大臣廣鳳平日不能振作當塔爾巴哈台急切廣鳳並不將該城餉銀派員趕緊解送迨武薩額派兵迎提始行發給卒致餉銀未到塔爾巴哈台巴里坤至科布多購買羊隻廣鳳復不肯墊給羊價有心截餉餉銀其因病奏請開缺實屬意圖規避種種昏懦殊堪痛恨塔爾巴哈台領隊大臣圖庫爾前於塔城失陷時念係賊眾兵單從寬將該員革職兩任茲據李雲麟奏稱該員棄城出境避賊遠颺直至科布多境內豈可稍事姑容廣鳳圖庫爾均著革職交刑部治罪尋刑部奏審明已革大員被參截餉餉銀及失守城寨各節按律定擬得旨已革科布多參

費大臣廣鳳著發往黑龍江效力贖罪已革塔爾巴哈台領隊大臣圖庫爾著發往吉林效力贖罪○以冊封朝鮮國王妃
源理藩院右侍郎魁齡爲正使委散秩大臣希元爲副使往封○予古城陣亡署領隊大臣色普詩新佐領恩斌協領功訥
布驍騎校德連布守備高吉官祭葬世職○辛酉諭軍機大臣等李雲麟奏請另簡能員辦理伊犁將軍事務並統籌西路
全局及擬先規取烏魯木齊暨哈城失守情形一摺所奏於西路情形等因著明斯伊犁將軍印務前派榮全署理該參贊在
俄國臺站未經具奏行抵何處因令李雲麟代辦藉以聯絡聲勢規復
齊相機進剿布置亦頗有條理自毋庸以力難任重爲辭稍涉推諉○李雲麟奏擬統兵由奇古一帶趨烏魯木
廷豈能深悉所降諭旨與見辦情形或有未能盡合之處至爲
知之並非有人壅蔽準回兩部偏近強鄰未便遂議棄地烏魯木齊爲諸路要衝屯田最多該署參贊擬馳赴烏里雅蘇台
與麟興等會商調蒙兵進剿所見尙是此時李雲麟計已抵烏城即著與麟興車林敦多布籌商將賽因諾顏札薩克圖
汗兩愛曼之兵調齊由麟興統帶前進科布多所調蒙兵德克吉訥布爾和德統帶前進李雲麟即馳赴塔境將厄魯特
人眾挑選精銳交根噶札勒參等統帶隨同進剿均於古城齊見已時屆秋令該署參贊既知進兵以七八月爲宜自無
待諭旨敦迫即著速由古城進兵規復烏城藉可節節進剿根噶札勒參既與土爾扈特親王有隙即著飭令統帶厄魯特
部眾隨同該署參贊由古城進兵毋令仍舊堵境至土爾扈特親王革爵之事既未平允豈可置之不論著李雲麟查明具
奏候旨辦理以維外藩之心李雲麟另片奏科布多所調之兵拉參交阿爾噶訥札勒參分帶並擬減爲一千二百
名其所調賽因諾顏等蒙兵分爲三營與布爾和德等分帶尙屬妥協著照所請行並著奎昌明瑞於換防綠營兵內酌挑
一三千名及換防滿員內酌派二三人隨同李雲麟辦理營務六科城所存捐輸馬一千匹酌著奎昌等撥給厄魯特蒙兵
以資乘騎李雲麟另片奏請將解存科城之伊犁餉銀四萬兩就近提用等語此項餉銀前經廣鳳等奏請提充科城官兵
餉批令提節提用所存銀兩著奎昌等全數撥交李雲麟支用並前請備用爾巴哈台軍需費銀二萬兩見在塔城既
辦之期並著奎昌等一併發給李雲麟軍營以免停兵待餉刑部主事錫綸據稱熟悉西路情形即著該部統傳知
該員即由草場趕赴古城交李雲麟差委護軍參領福恩都司德祿均著准其調赴軍營福恩卡倫員缺著奎昌等派
員署理李雲麟所請另行揀派之處並著該衙門查明辦理李雲麟應此重任務當殫心而懼不可稍涉誇張遇有應奏事
件不妨實直陳以副朝廷殷殷求治之意再據根噶札勒參奏北路軍情並請調喇嘛幫同進剿及自陳足疾奉旨各摺

茲呼圖克圖志切報效深堪嘉尚前因降旨獎勵頒給關防毋庸另行派人執掌其擬請於烏里雅蘇台揀帶喇嘛爾同進勤如於軍中無礙即著李雲麟傳諭令其於呼圖克圖呼畢勒罕內挑選喇嘛二三名以資得力棍噶札勒參另片奏於科布多屬地派喇嘛一人設立經館唎著照所請行至該呼圖克圖奏稱無兵可帶見在李雲麟擬令酌帶厄魯特兵丁隨同進剿是棍噶札勒參並非無兵可以統帶該呼圖克圖受恩著李雲麟剴切傳諭令其奮勉圖報毋得以無人聽信等辭希圖諉卸李雲麟見在代辦伊犁將軍印務各城皆其統轄所有此次麟興等統帶烏科兩城及厄魯特兵丁均著歸李雲麟調遣該署參贊久經行陣較之麟興等自能諳練麟興務當和衷商酌不得稍有掣肘李雲麟亦不得稍存趑趄惟當力任其難用副期望將此由六百里各諭令知之○土戊諭軍機大臣等何瑄奏官軍會合同克復哈密城池並請免伯錫爾罪名各摺片哈密久為賊踞經何瑄派兵前會同伯錫爾所派回兵將逆回擊敗克復城池雖賊甚多所辦甚妥著訥爾濟傳諭伯錫爾等所部各力克勦務將逆散餘匪殄盡毋令餘燼復燃尤須分別良莠不可溫養無辜並著何瑄飭令凌祥等嚴防該匪回竄毋稍疏懈見在該城南經收復亟須地方大員前往鎮撫文麟係哈密辦事大臣責無旁貸著即由肅州軍營馳赴該城會同伯錫爾將善後事宜妥為籌辦奎章昨已改補哈密辦事大臣自應趕赴新任以重職守並著奎章查明奎章行抵何處催令迅速前進毋任逗留伯錫爾本有應得之咎既經會合官軍勦賊克城著加恩免其治罪山錫爾當倍加感激撫綏同眾力捍賊孽若再不知愧奮圖效具在寬典不可屢邀也成祿督兵圍偏爾州賊勢已蹙著奎章迅圖攻拔統率麟興等軍星夜出關由哈密一帶節節西進見在關外自巴里坤以東漸次安定李雲麟既已行抵巴里坤雅蘇台即著遵奉昨日諭旨調派各軍赴古城取齊與巴里坤哈密聯為一氣庶進攻烏魯木齊可無後顧之慮巴里坤需奇細何瑄請飭陝甘總督籌撥銀數十萬兩固屬甘省應解之餉惟屬內餉銀亦未充足著楊岳斌趕緊先撥數萬兩交巴里坤委員張積功解赴何瑄軍營以清眉急其餘欠解各款仍當隨時接濟敦煌安西等州縣素為產糧之區並著楊岳斌督飭各該地方官撥運倉糧數千石赴巴里坤以資兵食山西應解新疆餉銀前已諭令趙長齡由綏遠城解往烏里雅蘇台著即懷遠前旨辦理其直隸四川山東河南應解新疆餉銀仍著趙長齡飛催各該省解赴山西由趙長齡運至綏遠城轉解烏里雅蘇台此項餉銀到後並著李雲麟商同麟興勻撥各路軍營並分濟巴里坤應用將此由六百里諭知李雲麟楊岳斌劉善趙長齡訥爾濟成祿文麟奎章並傳諭何瑄知之○癸亥諭軍機大臣等李鶴年奏官軍追剿捻匪獲勝並派兵分剿情形一摺張牛等股匪在上

募境內屢經官軍擊敗仍屯踞百尺集一帶復經宋慶等營兵夜襲賊營奪回所踞民莊三處追過洪河殲獲甚多此股逆匪屢經敗挫其勢已蹙著李鶴年卽飭馬德昭宋慶等迅速進兵乘機痛剿務將此股殄盡至任賴等股匪由太康扶溝折回睢州杞縣延及陳留通許汴省東南數百里一片賊氛李鶴年見派余承恩所部三營赴省東剿辦並派吉林黑龍江馬隊及親兵各數百名分赴睢杞會剿惟豫軍兵力較單不敷分省國藩所部駐紮於周口一帶者甚多著卽迅派潘鼎新劉松山張詩日等督率各營會合豫省各軍併力兜剿毋任蔓延該大臣查看桃宿等處運河防務計已賊事自當迅赴周口就近調度以期呼應較靈並著嚴檄鮑超一軍趕緊馳往豫省探蹤迎剿毋任逗留貽誤將此由六百里各諭令知之○盛京將軍都興阿奏遵旨力求整頓欲請外須先清腹地見擬通籌辦理得旨著卽酌量緩急相機妥辦其吉林遣散淘金流民並著迅派委員分投查明確妥安插之法毋令滋事○甲子論軍機大臣等蔣益澧奏統籌粵東全局一摺所陳整飭吏治整頓釐稅清釐交代教練水師酌增兵餉籌辦土客清理欠餉裁汰兵勇八條詳加披覽具見該撫實心任事力圖整頓卽著瑞麟蔣益澧悉心籌商認真辦理蔣益澧與瑞麟同辦一事當和衷共濟行之以漸持之以恆不可有名無實尤不可始勤終怠務使吏治軍務日有起色方爲不負委任另片奏籌辦洋務情形所陳亦頗中窾要該督撫等惟當虛心實力慎發徐圖前據左宗棠奏擬於閩省擇地設廠購買機器募雇洋匠試造火輪船隻當諭令該督照議辦理茲據蔣益澧奏擬於沿海省分建設鐵廠製造輪船或在福建設廠或在廣東設廠等語著瑞麟蔣益澧會同商左宗棠會同妥辦將此由五百里各諭令知之○乙丑欽奉 慈禧皇太后 慈禧皇太后懿旨戶部侍郎李鴻藻之母姚氏秉性淑慎教子成名今以疾終深可軫惻朝廷優禮大臣推恩賢母著賜祭一壇賞銀二千兩卹卹喪事內廣儲司給發以示眷懷李鴻藻事母至孝哀痛必切朝廷以孝治天下原應軫其照例終制以達孝思第該侍郎屬 文宗顯皇帝特簡授皇帝讀書心敬沃迄今六年夙夜罔懈皇帝春秋鼎盛繼繼與學功修正篤李鴻藻諱諱嗣海皇帝樂從職不可或離左右且軍務未平兼資調劑實屬查雍正乾隆年間大臣如孫嘉淦朱軾稽曾筠蔣炳子敏中等故事 特旨任在守制或開缺辦事入直內廷迄今如曾國藩胡林翼等故事亦皆奪情起用李鴻藻著開戶部右侍郎缺守孝百日後卽赴任德殿授讀仍在軍機處行走凡遇朝會不必與列此係特恩 列朝成憲權宜辦理日前召見軍機王俊仁徐桐會同飯再三垂詢均已深喻此意朝廷不得已之苦衷中外臣工應能共諒李鴻藻當思輔導皇帝竭忠盡孝毋負大任其私情以副 先皇清靜任之思朝廷傳昇之重毋以守制固辭○曾國藩奏 於六

月十五日出水路東下沿途水勢盛漲南陽微山等湖與運河連成一片春間所修隄牆自韓莊以下兩岸較高沙土質鬆大雨後多已坍塌自黃林莊以下二百餘里兩岸較低堤身或露數尺或全淹水中目下茫茫巨浸賊匪斷難飛渡將來秋深水落竟須另行全修二十日行抵宿遷縣二十七日准閣部咨稱據曹縣稟報任賴兩逆因張市朱仙鎮等處河水驟漲不能西渡仍由扶溝太康回竄已至杞縣之沙窩離州之辛香鋪勢將直趨曹境七月初一日又准李鶴年咨稱據離州稟報六月十八日該州西南之馬頭寨已被賴逆攻破占踞豫兵不敢馳剿咨商撥兵接救各等情臣查扼守沙河賈魯河之議必俟捻逆各股全趨沙河以南方可與辦現在任賴一股既為沙河大水所阻不敢西行折而東竄則防河之策斷難遽行應即先行撥兵馳剿劉銘傳業於六月二十三日自徐州啟行潘鼎新一軍前在西華周盛波一軍前在太和此三軍者本議分防沙河見令移赴離州曹考一路專辦沙河東北之賊而鮑超之霆軍劉秉璋楊鼎勳王永勝之淮軍劉松山張詩日之湘軍仍辦沙河西南之賊頃已分咨相機剿辦惟自五月下旬以後淮南北諸郡大水為數十年所未有積潦盈途深通馬腹車中米糧子藥車載夫運寸步難行不特各軍拔隊滯滯即處文報往來亦多阻隔遲誤而秋稼被淹民廬漂沒既自懲調度乖方軍務毫無起色又恐飢民失所不免從賊以圖偷生剿辦撫綏兩俱棘手籌思反復憂愧實深臣在宿遷停留數日初聞捻蹤回竄之信本擬改駐徐州就近調度惟賊蹤既分兩支無論駐何處均有不能兼顧之勢入豫之議不可再緩俟與漕吳榮會晤後即在楊莊換船由湖汴淮徑赴陳州周家口籌辦一切喬松年奏任賴兩逆入豫後即沿沙河上竄因水勢盛漲未能竄渡仍折回陳州有竄往曹單之意張牛兩逆自渡沙河後合股竄至汝南並分擾信陽確山意欲窺伺楚境旋恭奉諭旨自槐店以下至正陽關飭派兵設防查自槐店至正陽關計四百餘里必須厚集兵力扼防皖省各軍以爭強得勝為大枝應即責成該兩軍辦理自槐店以至江口集以英翰一軍任之自江口集至正陽關以張得勝一軍任之均令憑河堅守務期穩固其沙河內水師並添總兵黃鳴鐸帶領總兵余先元等各船聯絡扼守亦令各認地段以專責成令一賊得渡惟任逆一股尚在沙河以北或竄往曹州或回竄皖境尚未可定無論竄向何處督國藩所派追擊之師必能緊蹙其後其淮河內水師經督國藩咨長江水師提督黃翼升會同臣所部礮船分段劃守一俟黃翼升到時即可定議分防上諭軍機大臣等任賴兩逆由扶溝太康回竄已至杞縣之沙窩離州之辛香鋪勢將直趨曹境賴逆又攻破離州之馬頭寨該逆見為沙河之大水所阻不敢西行折而東竄防河之策尚難遽行督國藩見令劉銘傳等移赴離州朝考一路專辦沙河東北之賊鮑超等軍仍辦沙

河西南之賊即著分飭諸軍相機進剿毋任遷延貽誤致成不了之局淮南北諸郡大水賈深產壓驚惶災黎萬不可緩入秋以後水勢漸消河隄既須另修不妨以工代賑著督國藩與吳棠李鴻章妥籌辦理毋令被災地方窮民失所任賴一殷如竄近徐宿著吳棠派兵協力剿洗其張牛股匪前據李鴻章奏經豫軍追過洪河已近鄂邊督國藩前有駐紮德安之奏著即統兵出省擇要扼紮督率鮑超等及督國藩所派之劉秉璋等軍李鶴年所派之馬德昭等軍合力兜剿如有臨敵畏葸不肯奮勇上前者即由督國藩從嚴參辦務須趁賊勢口蹙之時一鼓殄除湖北省城及近邊一帶防務著官文悉心籌畫督飭辦理毋稍疏懈督國藩與督國藩共辦一事將來無論賊勢分台地方遠近總須聯絡一氣若能殄滅一股兵力較易展布賊蹤已近曹閻敬銘身任地方責無旁貸著即出省督率防兵認真堵剿儘再令賊蹤蹂躪定惟該撫是問河防既暫不能辦高松年惟當飭令英翰等整飭諸軍視賊所向會合夾擊不得株守一隅僅爲自完之計黃河水勢甚漲目前可稱天險惟轉瞬秋深水涸難保該匪不潛圖竄渡並著督國藩閻敬銘李鶴年督飭防兵巡船加意守禦毋任偷渡將此由六百里各諭令知之○命唐際盛東京以李榕爲湖北按察使由浙江調○江蘇通州竄匪滋事守備宋遠祥等死之予祭葬世職○丙寅調畢道遠爲戶部右侍郎以胡家玉爲兵部左侍郎由左副都御史遷○丁卯諭軍機大臣等李鶴年奏捻股分竄剿辦復勝鮑超奏製造軍器器費布置情形各一摺張牛等逆屢被豫軍剿敗復經劉松山等軍追至雙廟及西平等處屢次獲勝賊已西竄舞陽李鶴年務當飭令宋慶馬德昭等軍跟蹤追擊並著督國藩檄令劉松山等督率所部窮賊所向盡力躡剿毋任喘息任賴等逆在雞杞等處尋獲糧餉新率兵會合豫軍剿辦獲勝劉銘傳亦率所部馳往豫境該匪英竄祥符蘭儀一帶勢將由汴梁西遁李鶴年當一面嚴防省城一面檄令豫軍奮勇追剿並著督國藩飭令潘鼎新等軍合力剿辦黃河一帶李鶴年仍當督飭嚴密防賊匪搶渡鮑超見住麻城據稱因帳房車輛未齊暫行駐候並述督國藩商之語欲分軍布置於光固信陽周口等處及任齊豫省追軍驅賊入鄂截賊歸路就山谷水遠爲扼險殄賊之舉第該匪避兵而行是其慣技既知鄂省駐有重兵豈肯自入陷併官文督國藩務當種種緩急辦理嚴飭鮑超規賊所向迎頭截擊陝洛浙川等處武備空虛難保該匪不乘虛奔突李鶴年原當豫飭該地方官督飭團練扼險拒守並著官文督國藩飭令鄂軍越境迎剿兼顧南陽浙川要隘以爲豫軍聲援督國藩仍遵奉前旨即行出省駐紮德安就近調度鮑超原摺着鈔給督國藩李鶴年閱看將此由六百里各諭令知之○庚午諭內閣吳棠奏湖河盛漲潁河東岸民陷倒卸帶堤正堤過水一摺本年江北各屬因陰雨連旬湖河並漲經在事人員設法事南

兩端旁洩水勢而正河涵勢如常此築彼漫致將高郵汎清水潭連南二橋南牆於六月二十九日辰刻漫擊倒卸帶塌正堤過水雖因來源旺極積長不消所致該管河汛各員究屬疏於防範著淮揚道劉咸著摘去頂帶揚州軍捕同知兼管河務范志熙著革職留任永高汛千總袁定標協防徐順均著革職留汛效力以示懲儆吳棠有督率之責未能先事籌畫著亦難辭著交部議處被水災黎蕩析離居情殊可憫吳棠見已捐應勸款派員馳赴口門上下妥爲撫恤卽著李鴻章郭柏蔭遴委委員分往高郵興化東臺等處勸災賑濟務令實惠均霑毋使一夫失所○以湖南官軍攻克貴州思南賊巢賞還已革按察使李元度原銜頂帶總兵官王永章等升敘有差○王申欽奉 慈安皇太后 慈禧皇太后懿旨前因戶部右侍郎李鴻藻之母病終推恩賜祭賞銀以示榮寵並令李鴻藻於守孝百日後仍赴弘德殿授讀在軍機處行走原係酌遵 成憲從權辦理茲據吏部奏稱轉據李鴻藻呈稱該侍母氏苦節多年撫育教誨之恩職毫未報一旦慘遭大故偷生視息負疚已深樞要之地綱紀攸關輔導聖學尤貴志行完粹之人若自貽愆尤則進講獻納之際何以置辭懇請終制各等語情詞懇切具見惻忱惟念李鴻藻膺 文宗顯皇帝特簡授讀於今六年當此緝熙典學正就將日進之時該侍郎盡心輔導弼成聖德則所以慰天下臣民之望者莫大於是前因軍務未平各督撫等奪情起用者指不勝屈況機務殷繁尤資贊畫前降諭旨甚明李鴻藻惟當恪遵前旨仍於百日守孝後照常趨直用副 先皇帝簡擢之恩第思該侍郎哀病未忘不得不稍示區別前有旨令遇朝會不必與列尚不足以示體恤李鴻藻著遵照雍正年間 世宗憲皇帝諭旨二十七月內不穿朝服不與朝會筵宴遇有祭祀典禮咸集之處均毋庸與列該侍郎當深感朝廷曲體之情勉抑哀思移孝作忠毋得再行陳請以副委任○癸酉諭內閣前因李鴻章等奏查明蘇松等屬裁除淨收實數禁止大小戶名目當經降旨令該督等勒石遵行茲復據李鴻章等將減定徵漕餘耗折價各數查明具奏開單呈覽計蘇州府屬一廳九縣減定賦額應徵米五十五萬九千九百餘石共減去淨收米十九萬二千八百餘石減去淨收錢七十五萬三千五百餘串松江府屬一廳七縣減定賦額應徵米三十一萬九千九百餘石共減去淨收米十萬八千八百餘石減去淨收錢五十萬五千七百餘串常州府屬八縣減定賦額應徵米三十二萬三千三百餘石共減去淨收米七萬三千石零減去淨收錢二十一萬五千二百餘串太倉州併所屬三縣減定賦額應徵米十一萬五百餘石太倉鎮洋二州縣共減去折價淨收錢九萬四千串零嘉定寶山二縣共減去折價淨收錢十萬七千六百餘串以上蘇松常太四府州屬共減去淨收米三十七萬四千六百餘石減去淨收錢一百六十七萬六千二百餘串又蘇松常鎮太四府一州所

屬各廳縣共額徵銀二百十五萬兩零折收錢文除鎮江府屬未定外蘇松常太四府州屬共減去淨收錢四十萬餘串該署督等即將減去淨收實數欽遵勒石永遠奉行至鎮江府屬四縣減定賦額應徵米十九萬三千二百餘石共減去淨收數目若干著該署督等於徵徵時另行酌覈奏明辦理○改浙江台州府同知駐家子管理海門巡防海口事宜移原駐海門之臨海縣縣丞於花橋黃巖縣縣丞於高巖甯海縣縣丞於亭傍分司緝捕○甲戌諭軍機大臣等御史朱學篤奏用兵貴在神速不可爲一隅牽掣見在西北甘回接連新疆陝西爲回匪窺伺滇黔未平用兵省分正多尤可慮者外國要求無厭忿若不迅鳩兵力更難建應請飭會國藩擇要進兵相機速剿等語該匪滋擾日久蔓延愈廣迄未大受懲創若不力籌進剿糜餉勞師軍務將何日肅事曾國藩自衛遼南下由湖入淮汭流赴周家口道途不免迂折著即趕緊趨程星夜馳赴陳郡親臨各營就近調度以期呼應較靈並著督飭湘淮各營視賊所向盡力窮擊不得專事防守任賊縱橫該大臣公忠體國爲朝廷柱石尤當統籌全局迅將擒匪竭力剿除以副委任朱學篤原摺著鈔給曾國藩閱看昨據副都統安住奏稱豫省軍營積弊在於馬步諸將領彼此不相救應進止參差兵心不能合一尤慮賊匪偷渡黃河滋擾河北三府等語所奏不爲無見著李鶴年督飭前敵將士申嚴號令務須於進戰時彼此互相援應以期聲勢聯絡黃河防務尤關緊要所有水陸防軍李鶴年務當嚴密佈置一併飭令在事文武將各處渡口實力稽查毋任奸細潛行偷渡安住原摺著摘鈔給李鶴年閱看將此由六百里各諭令知之○諭傳諭貴州布政使兆琛兆琛奏督軍進扼扼水等處擊賊並分路進剿情形一摺清江台拱兩城久爲苗匪竊踞並分股出犯思恩等州邊界經兆琛督軍進扼五屏並派陳昌運帶兵進紮鎮遠府衛兩城沿途頗有斬獲兆琛見已由玉屏進紮青谿分軍扼紮各路要隘著即飭令各軍將鴨溪等處屯踞匪苗乘勢掃蕩由印水進克清江等城毋任久踞投誠之青龍關等寨苗民著卽妥爲安撫並責令殺賊自效周洪印一軍由天柱縣進攻江口聖業已獲勝殲殲著兆琛卽檄令該總兵將江口聖賊巢迅速攻克肅清後路李元度攻克大小二聖賊巢情形前已據李瀚章馳奏該撫前奏內有副將李金榜一軍進紮閭松各營勇丁同時患病竟有全棚不能舉火者是否水土不服抑係苗匪水中置毒所致著兆琛卽飭令該營官設法醫治妥爲拊循玉屏等縣殉難士民婦女並著該藩司查明彙奏奏請旌卹將此由四百里諭令知之○以恩承銘安俱爲內閣學士○恩承銘○乙亥子浙江殉難知縣關朝貴祭葬世職○丙子湖南巡撫李瀚章奏遵旨訪查劉儀順劉漢忠周天雲各匪首蹤迹擬俟規取荆竹園後卽飭李元度安速前進逐細拏辦報聞○丁丑諭軍機大臣等都興阿奏查辦大孤山匪

徒並撥換營口洋槍隊伍一摺匪徒王作幅率眾直撲大孤山聲言與會首徐中禮報復經汛員督同徐中禮帶勇迎擊將該匪打敗向西南竄去都興阿已派毓昌等馳往查辦著即查明起獲報復之端認真清理並該匪等見窺何處趕緊添兵接捕淨絕根株至徐中禮是否即係從前投誠出力之徐五能否安分守法並著都興阿隨時察看毋稍大意駐防營口之五行隊已調回奉省費陰魁所帶洋槍隊五百名著即飭令暫留營口駐紮春霖所帶之洋槍隊與費陰魁所部均屬防守天津海口緊要之軍冬底必須調回津郡所有營口應行教練本省之洋槍隊著都興阿趕緊督飭辦理至防護一承陵將來是否需兵抑或於他處酌量移撥以便春霖與費陰魁二軍冬底一併調回之處並著該將軍悉心籌畫辦理總之尚書文祥前畱奉省之天津及吉林黑龍江等軍均是客兵未可久役於外都興阿惟當豫爲整頓本省兵勇認真教練以期悉成勁旅力圖自強方爲不負委任將此由五百里諭令知之○諭勞崇光奏勦辦鎮雄賊匪連獲勝仗屢克賊巢一摺貴州賊匪李開甲等於上年竄破鎮雄勢甚滋蔓經勞崇光飭令岑毓英督兵進剿連克賊巢聲威甚壯李開甲被剿窮蹙赴威甯州軍營乞降該州請示岑毓英嚴斥不准漆老新一股亦經岑毓英由角奎親往督剿攻破賊營彝良所屬一律肅清該處赴牛街之路已經暢行剿辦頗屬得手李開甲心懷狡詐前經林鴻年招撫後仍肆狼狽此或因窮蹙乞降豈可墮其詭計岑毓英嚴行斥絕甚屬有見在賊巢已破其膽已寒著勞崇光即飭該營舊司乘此聲威將礦礮山礦子山次第攻克進取鎮雄州城以固滇省藩籬並著飭令知府夏廷楨將所需米糧等件源源解運以資接濟刻下秋氣已深各屬銀糧諒已陸續徵解各省指撥之餉計應先後解到即著該督整飭士馬督飭馬如龍迅速出兵規復邊西毋任杜絕久踞其逗甯川省各員並著該督勒限催令赴滇不准藉端趨避將此由五百里諭令知之○予浙江陣亡鹽大使鄭燧等祭葬世職○戊寅欽奉 慈安皇太后 慈禧皇太后懿旨昨據大學士倭仁等奏懇恩准予大臣終制以維禮教本日復據吏部奏李鴻藻懇陳下忱懇請仍准終制據呈代陳各一摺前因皇帝典禮學功修正篤李鴻藻不可或離左右曾經召見醇郡王倭仁徐桐翁同龢詢問再三彼時醇郡王即請降旨慰留倭仁等亦無異議次日復令軍機大臣與倭仁等商議亦以聖學爲重不持異同茲覽倭仁等摺內所稱李鴻藻事親盡禮見在奉旨奪情欲固辭則途近孤恩欲抑情則內多負疚請仍准其終制等語倭仁等既以奪情爲非禮何妨於前次召見時據實陳奏乃爾時並無異議迨兩次降旨慰留後始有此奏殊不可解本日復召見倭仁徐桐翁同龢面加詢問據稱聖學關係甚重臣等亦願李鴻藻照常入直惟親見該侍郎哀痛迫切勢處萬難是以代爲陳請並無他意聖功緊要請仍令李鴻藻遵奉

前片等語是倭仁等亦知此次奪情之舉係屬不得已從權辦理想中外大小臣工亦必能共諒此意李鴻藻當思聖學日新四方多故盡忠即所以盡孝前降諭旨業已詳盡其恪遵前旨毋得拘泥常情再行籲懇○諭軍機大臣等楊岳斌奏籌辦南路軍務請飭穩圖善移師西向覆陳彭楚漢等軍並無諱敗爲勝情形各摺片回匪被陳軍擊退折竄入甘秦安清水等處賊騎縱橫漸逼秦州該督見調將擬學統帶安字營勇赴省俟此軍到時即擬出省期辦秦州附近一帶回匪惟省垣兵變甫經稍定且附近各處賊匪尚未殄除正須大吏駐紮藉資鎮攝該督甫還蘭州即思出省能否無憂內顧務須統籌全局妥協辦理不得顧此失彼又蹈從前覆轍秦州一帶見既撤令王得勝等相機堵剿並調張在山傅先宗等前往助剿著即嚴飭各軍極力剿辦毋令完善之地致有疏虞平番迤至涼州俱爲逆回出沒亟應分兵剿除賊匪疏通省垣糧路見在甯靈一帶業已安定無須多兵駐紮著穆圖善酌度情形督率所部由中衛鼓行而西直赴平番節節進剿毋稍延誤該將軍仍酌留兵勇鎮守甯靈等處以備不虞其平固一路防剿事宜即著楊岳斌飭令雷正綰妥爲辦理楊岳斌所稱彭楚漢等軍在車道嶺等處擊賊獲勝並無諱敗捏報情事仍著督飭彭楚漢等認真剿賊奮勉立功楊岳斌另片奏截留林之望摺報拆閱自請議處一片並將林之望摺補行呈遞該藩司由驛馳遞摺報楊岳斌輒於中途截留擅行拆閱且遲至數旬之久始行補遞實屬不曉事體楊岳斌著交部議處將此由六百里各諭令知之尋吏部議楊岳斌應降五級調用毋庸查敘抵得旨楊岳斌著加恩改爲革職留任降爲三品頂戴以示懲儆○諭林之望奏稱督臣楊岳斌辦事認真持身勤儉惟於封疆大體未甚諳練輒致爲人所誤雷正綰等軍轉戰多年熟悉地利賊情該督由陝入甘因劉蓉先入之言以雷正綰爲不可用周顯承等窺伺其意遂從而傾陷之致令一敗塗地又做劉蓉遠兵親勇之法以省兵爲不可用省標及外鎮將備陸續罷退以隨營楚人代之諸事更張怨望之徒遂謂該督引用私人本省升途斷絕各營憤恨省標特首發其難省城源源倉存糧一萬數千石蘭州道英奎設局專供客兵並紛紛捐罰將城內接括無遺因將源源倉之糧全供楚軍縱令地方官郡移借發標兵額糧致官民蓄積一空秦王川嚴防不守糧無來源英奎復請派員弁赴鄉凡民間窖藏悉行查封給以賤價該員並巧於趨避自請赴陝購糧迄無顆粒運甘本省委提督餉七萬兩行至東路復被督臣全數截留以致省城糧盡兵潰並據楊岳斌奏參糧臺支放由該藩司主持何以毫無稽覈率爾敷陳並稱林之望所參英奎各情均係得自傳聞全無影響及查明彭楚漢等軍在車道嶺獲勝屬實各等語楊岳斌與林之望所奏均有偏袒之處持論未得其平著穆圖善將甘省督兵每月糧額多寡楚軍勇糧多寡及欠餉

日月久暫詳細查明並將林之望所參英奎周顯承各情確切查明秉公據實覆奏毋稍偏徇彭楚漢等軍在車道嶺獲勝情形是否請敗爲勝著一併查明具奏林之望摺一件楊岳斌片二件均著鈔給閱看將此由五百里諭令知之○于貴州列強訓導王景春祭葬世職○庚辰諭軍機大臣等李雲麟奏遞陳北路軍情及請飭麟興等添調西兩盟征兵定限調齊進剿各一摺前因新疆需兵孔亟諭令麟興等迅速調兵六千名前往迄今日久僅止派出札薩克圖汗賽因諾顏兩盟兵一千八百名復因察漢烏蘇卡倫有警酌留一千名派出兵丁僅八百名爲數實形單薄斷乎不能得手見在庫克吉泰尙未出邊所有車林敦多布派出之兵丁三百名即著隨同李雲麟進剿並著麟興車林敦多布於札薩克圖汗賽因諾顏兩盟壯丁內再各挑五百名以厚兵力所需口食鹽菜等項俱由官爲給發該兵丁既無苦累不准藉詞推諉著麟興等剴切曉諭該兩盟兵丁於諭旨到後刻期進發毋得稍涉遲緩李雲麟即統率已派出之兩盟兵丁先行馳赴古城相機進剿僅續調之壯丁一千名如有遲誤情形並著據實參奏所有烏城招辦戰馬二千匹即著李雲麟會商麟興照數給發以資騎乘麟興見署烏里雅蘇台將軍責任綦重自未便隨同李雲麟進剿車林敦多布於蒙古言語性情素能請悉著改派車林敦多布督率蒙兵前進自更得力烏里雅蘇台參贊員缺亦甚緊要車林敦多布啟行後勢難兼顧錦丕勒多爾濟向來辦事尙屬公允見聞病已痊愈即著署理烏里雅蘇台參贊大臣所有李雲麟續調之兩盟壯丁即責成錦丕勒多爾濟趕緊徵調取齊毋許耽延遲誤李雲麟奏此項官兵備長馬駝起營前進著照所請行另片奏稱請借用科布多存餉等語科城所存餉銀前已諭令奎昌等全數撥給諒該署參贊接奉前旨即可提用將此由六百里各諭令知之○以都城盜賊肆行論步軍統領等嚴緝並飭禁賭局煙館○允訥爾濟等奏將句結逆回之哈密台吉帕塔訥什等正法飭麟興撥解巴里坤兵餉○辛巳飭直隸山西借撥察哈爾臺站經費○王午諭內閣長善奏請清查旗籍並變通銷檔章程等語山海關旗營往往有逃回逆犯仍在該旗營房暗地出入漏迹潛伏若不嚴行查拏實爲地方邊防之害著長善嚴飭該管協領等隨時訪查如有由配逃回及作奸犯科人犯毋論銷除旗檔並在營房民居潛住者一經查出即行拏解按律懲辦並著隨案聲明將該管官處分概予寬免儘不肯認真查拏知情故縱或別經發覺即將該管各官嚴參懲處該旗之鄰右親族人等一併嚴行治罪至銷除旗檔安置旗人家屬各節道光年間定例甚嚴近來銷檔之案並不認真嚴辦以致有名無實日久弊生著刑部按照長善所陳變通章程妥議具奏○諭軍機大臣等都興阿奏匪首糾眾搶入大孤山調兵剿辦一摺匪首王作幅句結黨與三四百名攻入大孤山與會首徐中禮爭圍械關將徐中禮夥眾擊敗歸山

內形同叛逆該處山川險要亟須撥兵剿除都興阿見派劉景芳馳赴鳳凰城遏賊東竄商令色爾固善等分帶馬步各兵由省城取道岫巖直搗大孤山進剿並有戰船在海面鈔截等語著即飭令帶兵各員實力剿辦務當乘該匪初起之時趕緊殲滅不可觀望因循致令蔓延戰船是否足恃都興阿等當嚴飭水師協領認真截剿毋得稍有疏懈致敵船被賊擄搶轉滋後患都興阿等另摺奏擬派兵捕打冬圍結肅山場等語捕打冬圍必須抽撥各城兵丁前往見在大孤山匪眾未平各城官兵未便遠出致令地方空虛山場伏莽尚未肅清都興阿前奏擬俟製齊鍋帳等項於秋令人山清理即著嚴飭在事帶兵各員實力按勦務須淨絕根株該將軍所請捕打冬圍著俟明歲察看情形再行舉辦將此由五百里諭令知之○諭官文等奏捻蹤逼近鄂境督國奎擇期出省並官文奏請飭撫臣幫辦軍務各一摺捻逆大股分道竄至新野鄧州湖北之隨東光穀均形喫重官文等見在責成鄂松林等分路扼守布置尙爲周密督國奎定期前赴德安調度該撫久在行間自能相機策應即著督率各軍奮力擊剿如應山東北無賊窺伺即調熊登武等軍策應西路毋令蔓延襄陽爲南北要衝關繫甚重見雖漢水盛漲但不可不嚴爲防守督國奎擬察看賊勢如偏重西路即移紮襄陽並著該撫隨時酌量進止施超雖因製造戰車稽遲究屬近於耽延著官文等傳諭該提督即由隨棗繞出光穀迎頭截擊毋任再有延緩督國奎前奏飭令劉秉璋等軍期辦沙河西南之賊逆蹤見偏鄂境自當會合夾擊並著官文督國奎隨時知會聯爲一氣認真攻剿以期迅殲醜類毋任該將領等觀望不前其任賴東竄之逆即著督國奎飭令潘鼎新等實力剿辦毋令紛竄李鶴年身任豫撫責無旁貸著即嚴檄各軍跟蹤追剿庶得及早殲滅以副委任將此由六百里各諭令知之○命湖北巡撫曾國荃幫辦欽差大臣官文軍務○甲申諭軍機大臣等李鶴年奏張牛兩逆分股西竄已至新野鄧州任賴股匪由新鄭馬德昭一軍見止宋慶一軍追截兵力殊形單薄該匪見由鄧州往西南奔竄著官文督國奎督飭各將領分路扼守一面派兵出境與豫軍合力兜剿盡殲醜類免致入境滋擾更爲妥善督國奎已檄德安務當審機度勢妥爲調度任賴一股由許鳳竄至襄城陝汝一路門戶洞開毫無準備馬德昭一軍勢難兼顧著督國奎迅速飭周盛傳潘鼎新等督飭諸軍實力進剿毋任該匪西竄致剿辦又形棘手李鶴年另片奏朱仙鎮至黃河南岸地係飛沙旋圯旋見以六營兵勇先行試辦不能以全力從事自係實在情形著即照所陳辦理如兵力不敷或添募勇丁藉資防剿前敵之兵未可再行抽調將此由六百里各諭令知之○予貴州陣亡參將王春福等祭葬世職○乙酉諭軍機大臣等麟興等奏籌辦進剿官兵應需烏拉駝馬等

項並扼要添防及訓練各軍文盛等奏撥兵候調歷陳俄國變亂情形各一摺前調內地征兵二千五百名應須駝馬等項麟興等擬令札薩克圖汗賽因諾爾兩部落添備馬一千七百匹駝八百五十隻嚮導兵三百四十名派赴西南兩路三十四臺站以備文應均著照麟興等所議辦理如該兩部落任意推延即著指名嚴參其官兵應行分起行走並裹糧前進之處並著麟興等咨會廉至照辦俾免貽誤官兵備戰馬匹若由張家口沿途牧放送到科城不惟有需時日且恐遺失倒之著奎昌明瑤在於該城附近趕緊採買應壯馬數千匹俾該官兵到防應用較為徑便所需馬價銀兩即於解科城餉銀內動用歸軍需項下報銷烏里雅蘇台所屬三十四臺站應備馬羊等款並西面部落訓練蒙兵餉需已諭令戶部速為籌撥矣麟興等調撥札薩克圖汗等部落兵數與李雲麟前奏小有參差其應如何相機調撥及防守律德庫鄂博等處之兵著李雲麟會商麟興等妥籌調度其東兩部落應調各兵著文盛阿爾塔什達即照麟興前調之數趕緊挑選並配齊軍火駝馬銅帳等項迅速派赴烏城聽候調遣文盛等奏據章京慶徵稟稱俄國庫米薩爾不願斯面稱伊國逸出罪人九百名在城南邊界肆擾又有帕勒雅克三千人反亂伊國已派人防守各口等情與本日麟興等奏俄國邊界滋事情形大略相同惟庫米薩爾領事官等來文及俄國卡倫人等所言伊處反亂情形不同著麟興車林敦多布文盛阿爾塔什達各飭派出官兵認真防範不可稍涉鬆懈解車林敦多布奏籌辦地方情形願自備資斧赴烏屬西南遊牧緊要地方巡查訓練等語車林敦多布前已有旨令其督率蒙兵隨同李雲麟剿賊仍當懷遠前旨隨同李雲麟馳赴古城進剿毋得以巡查遊牧等詞藉端推諉另片奏喀爾喀四愛曼應派蒙古兵各一百四十三名已飭各照數派派即著帶赴李雲麟軍營聽候調遣以後遇有地方公事緊要軍情仍應會銜具奏期於和衷共濟李雲麟惟當懷遠七月二十四日寄諭督率各軍迅赴古城安籌剿辦以副委任將此由六百里各諭令知之○河湟胡家屯飭豫省督辦辦工賑兩諭張之萬設法搶護 八月丁亥朔南夏將軍穆圖善奏籌計見在軍情先帶馬隊馳赴中衛布置進剿得旨遵辦安撫事宜仍當妥籌辦理不可稍涉大意該將軍見擬馳赴中衛察看進兵即著催調各營統帶前進與楊岳斌之兵聯絡聲勢掃蕩逆氛以副委任○戊子劉蓉以病免調署松年為陝西巡撫以英翰為安徽巡撫劉銘傳為安徽布政使以李福泰為廣東布政使○壬子河南降亡縣丞劉昌祚等祭葬世職○己丑諭內閣劉銘傳奏漳州城圩被水見籌賑濟一摺山東濮州地方自黃河漫口後州城久被水浸居民於南岸築圩遷避本年陰雨兼旬黃河盛漲新舊城圩均被淹沒該處被水災黎窮析離居情殊可憫聞劉銘傳見已籌款體恤著即督飭該州知州妥為散放務使貧民均資

令一夫失所其城北金隄歲修之費並著寬為籌備趕緊興修以工代賑○命李郡王帶領侍衛十員往奠故壽禧和碩公主茶酒○庚寅諭軍機大臣等趙長齡奏擒逆竄擾豫省西路空虛恐闖入晉境請飭李鶴年派兵扼截等語擒逆分股竄向襄城鄧州等處漸近西趨豫省各軍俱在東南追剿恐該逆乘虛西竄晉省雖有黃河之險而山西為完善之區尤為該逆所垂涎防堵宜倍加嚴密趙長齡見飭副將閻文忠一軍扼紮河干恐尚未能堵截著李鶴年探賊所向如該逆有西竄之勢即飭令各軍統前攔截毋令闖入晉境臬司陳澧見赴河東一帶籌辦防務並著該撫知照趙長齡飭令該臬司嚴密布置毋稍鬆懈復據大學士倭仁奏擒匪屯聚朱仙鎮杞縣鄧州俱有賊匪出沒河北防務緊要請飭李鶴年派員巡察等語擒逆既在杞鄭等處則河北之防豈可稍懈乃如倭仁所奏該州縣僅雇民船數隻有人查驗則以此充數無則仍舊撤去實屬廢弛已極著李鶴年派委委員實力巡察如有仍前玩泄者即著嚴行參辦倭仁片著鈐給閱看將此諭令知之○允戶部請飭兩江各司庫清釐徵存諸款按限冊報○以直東臬臬充斥論劉長佑開徵餉等嚴緝○德勒克多爾濟請借撥山西庫款以濟運費允之○廣江西石城縣學額九名湖北天門五名○辛卯曾國藩奏任賴等逆東竄臬司潘鼎新一軍行至西華縣為大水所阻該司銳志剿賊令各營晝水而進六月二十二日行抵東廣探知太廢之雀橋杞縣之五岔口通許之底閣等處逆氣連成一片二十五日徑趨雀橋該逆大股先退邊馬不絕二十六日分兩營圍紫雀橋以馬步十二營裹糧疾進敗賊於石頭頭追至油坊岡之大林伏賊出戰我軍連營奔進斬擒悍賊數十名追至材後大寨我軍一擁而上該逆翻牆北竄追殺四百名立將大寨奪回圍二營守之餘悉向前進迫前行三里任逆率悍黨驅馬衝至萬國順帶馬隊屢戰擊殺賊目多名附近寨賊大至潘鼎新督各營擊敗之追至武岡冲溝一帶各路寨賊便遇二十七日乘勝進剿萬陽集任賴兩股不敢停趾直竄過賈魯河以西潘鼎新因行糧已罄兵身疲暫停休息該軍將士於盛夏深澤中忍飢迫逐一日三捷實屬異常出力應由臣暫行存記俟續有戰功案奏請獎以前此防河之策甫定而該逆回竄杞縣臣深慮其再竄山東則賊分兩路竄辦更形棘手幸潘鼎新一軍迎擊獲勝之西去仍應防守賈魯河沙河以扼回竄之路已檄劉銘傳潘鼎新張樹珊三軍仍如前議又添周盛波一軍分段嚴守並咨河南撫臣李鶴年迅撥豫軍分防朱仙鎮及黃河南岸一帶據報任賴張牛四逆均竄至裕州葉縣以西去盡陽漸近勢將兩股合併見在劉銘傳等業已興工修浚紳民亦肯效力防河之議或可辦成自古辦流軍本無善策惟有束之使不得還猶是得寸則寸之道見在除防兵外雖有鮑超劉秉璋楊鼎勳劉松山張詩日等五支游兵俟河防竣成令

者與游擊者彼防此戰更番互換庶足保常新之氣得旨見在捻蹤西趨防河之議可成即著該大臣督飭地方官紳實力修濬以杜紛竄並飭令鮑超等軍往來遊擊迅殲醜類以慰廑念○曾國藩奏臣行抵雙溝即聞劉松山張詩日兩軍自六月十七至二十三日在西華上蔡等處四獲大勝殺賊近萬據各路探報及豫撫來咨大略相同其詳細情形俟該鎮呈報到日再行具奏臣在臨淮感受暑溼留任數日七月二十八日登舟西上擬由懷遠入渦河至蒙亳察看形勢徑赴周家口報聞○于江蘇因公淹沒却縣謁龍祭拜卹廢○王辰諭軍機大臣等瑞麟蔣益澧奏籌辦西江土客械鬪添調兵勇先剿後撫一摺廣東土客互鬪仇殺已深此次客匪竟敢明目張膽築壘抗拒官兵實屬目無法紀瑞麟蔣益澧見已飭令副將徐文秀等帶兵直抵恩平擇要進剿即著該督撫督飭諸軍分由大田鄉底大槐等處探蹤前進並添派勁旅由黃平取道那龍以次助攻仍先斷賊接濟期於有勝無挫梅啟照礮隊練成著即飭令督帶前往那吉等處助攻以資得力蔣益澧察看賊勢如果狡悍難制即行出省調度用收一勞永逸之效該匪等被剿勢窮果能真心悔禍自當恩威並用設法安撫其著名匪首必須一一殄除收其軍械毀其營壘方可相安無事土民中如有肆意欺陵不安本分者並須隨時擊辦以儆兇頑總之分良莠不分土客一語已得要領該督撫當仰體朝廷一視同仁之意毋得聽信土民一面之詞致致客籍被脅良民盡遭慘戮是為至要將此由五百里各諭令知之○癸巳諭軍機大臣等都興阿奏匪徒聞風竄逸見飭搜捕一摺王作幅等股匪自竄入大孤山後猶敢率眾出山經徐中禮擊敗見竄西上坡龍王廟一帶盤踞並有欲竄邊外大東溝之信該處係沿海潮溝向為奸匪潛蹤之所都興阿以徐中禮熟悉路徑即令其前導大兵徑往撲剿所辦甚是即著飭令色爾固善等督帶各兵分投剿辦先將王作幅翟永亮匪黨及盤踞龍王廟之子正派一股盡數撲滅隨將該處無賴游民並私立稅卡妥為查究分別區逐禁止毋貽後患至南海一帶近有借團練名目製造軍器械鬪搶劫擾害良民情事此等棍徒若不早除必致釀成大患色爾固善等馳抵該處後即將團練器械悉令交官撤去團長名目不准私設團子以期消患未萌該將軍仍當隨時體察認真整頓務使沿海一帶土匪永絕根株方為妥善徐中禮即係投誠之徐五有無侵吞團練經費及謀利不法實蹟並著都興阿確切查明妥協辦理將此由五百里諭令知之○以近畿州縣冒徵已蠲錢糧詎直隸總督等確查嚴參○甲午諭軍機大臣等李瀚章奏兼報援黔勝仗並添勇籌防情形請飭川省會剿一摺李元度一軍攻克大小至並附近賊寨多處距荊竹圍教匪老巢甚近其苗匪一股亦經兆琛周洪印兩軍由恩州天柱等處節節進剿沿途疊獲勝仗直抵鎮遠印水見在聚平股匪糾約各苗欲由古州進撲王

塞天柱該處與湖南之靖州會同毗連李鴻章見報月撥楚餉三千兩檄交兆琛就地練勇培禦並由兆琛撥營協守著
卽飭令兆琛實力辦理毋令苗匪竄入楚疆李元度一軍不敷分布見擬調募水陸新勇並添設三板戰船扼守江路惟
江外數匪上抵遵義綏陽桐梓正安下抵湄潭龍泉思南安化黎川賊巢甚多與荆竹割股匪處皆可援應該處與川
省毗連必須川東合力會剿方可斷絕內江援應著崇實駱秉章卽飭令防邊之師由秀山西陽一帶建領而下將外江
各匪實力堵遏與李元度聲勢聯絡以期迅殄逆氛毋稍延誤將此由五百里各諭令知之○乙未諭內閣御史王師曾
奏請停止捐免罰科等語所奏不爲無見鄉會試磨勘覆試定例甚嚴近日章程准以銀兩捐免磨勘覆試幾同虛設殊
於政體有礙嗣後文武鄉會試磨勘覆試令停科停殿試者概不准援案捐免以肅功令○以鮑源深爲左副都御史
寺卿○丁酉予奉天陣亡通判劉景醇等建祠○戊戌予四川陣亡知縣蕭慶建祠○己亥諭軍機大臣等有人奏督
臣調度乖方請飭查辦一摺陝甘總督楊岳斌前因在江南督帶水師疊克堅城特畀以兼圻重任原冀其調度合宜肅
清回務乃如所奏偏厚楚勇捏報勝仗致有童謠流傳並任用參將周顯承知府張瑞珍而以謔言參劾署甯州知州張
掄元秦安縣知縣劉元績是非倒置豈能勝此重任楊岳斌前因藩司林之望揭參業經降旨交穆圖善查明據實覆奏
茲復有人列畧糾參並著該將軍按照摺內所陳逐款查明秉公具奏毋得稍有徇徇又有人奏劉元績在甘肅十餘年
所莅各任俱有政蹟何以楊岳斌正月間參奏內有肆行貪酷紳民呈控劣蹟甚多之語著穆圖善一併詳細確查具奏
以昭嚴實原摺片及楊岳斌前參劉元績摺著鈔給閱看將此諭令知之○論麟興等奏遵調蒙兵西進並將入卡俄人
逐出請飭山西撥解經費各摺李雲麟統兵西進前經麟興等於賽因諾顏札薩克圖汗兩愛曼遊牧蒙兵調撥八百名
順日起爲交李雲麟調遣會同科塔爾兩城蒙兵一併前進著麟興卽飭令該盟長等趕緊辦理並著車林敦多布遵奉前
旨隨同李雲麟統帶蒙兵馳赴古城進剿毋得藉詞推諉錦丕勒多爾濟前已有旨令其署理烏里雅蘇台參贊大臣卽
著麟興催令速赴新任俄人遁入卡倫經官兵逐退出境賽因諾顏等各盟長以邊防有警欲將前調之蒙兵八百名防
守遊牧惟見在李雲麟前赴古城爲期甚迫所調蒙兵礙難驟行撤回麟興當嚴飭賽因諾顏等各盟長催兵前進毋許
遲誤並飭令該盟長另添蒙兵防守毋令俄人竄入卡倫李雲麟所調之額外蒙古壯丁一千名卽著麟興責成錦丕勒
多爾濟趕緊催調取齊以厚兵力烏科二城歲需餉銀爲數較多麟興請將欠發乙丑年台站卡倫兵丁鹽菜銀八千兩
於解到新糧餉銀動用補放著准其提出應用將此由六百里各諭令知之○江西巡撫劉坤一奏封禁山並嚴查匪黨

匪得旨封禁山內既據段起查明俱係耕種棚民並無匪類著照該撫所奏俟閱兵之便進山查勘如果可以弛禁即行會同閩浙總督奏明辦理竊甯民氣强悍仍當督飭地方官認真彈壓毋許鬆勁○予湖北陣亡知縣王恩綬原籍建祠子變附祀○庚子諭軍機大臣等官文曾國荃奏訪查近日賊情請籌防西路一摺張牛等股竄至鄧州一帶向漸川內鄉之意而荆子關潼關等處爲入陝通衢賊若被擊西竄殊慮處處空虛該督撫已令鮑超隨時覘賊所在以定進擊之方或徑達浙川或繞過內鄉關頭遮截如折而東趨即令郭松林等從桐柏唐縣橫截而出並令劉維楨等向新野一路進發遙爲窺軍聲援調度甚合機宜國荃業已馳抵德安鮑超一軍亦已齊抵襄陽即著就近傳諭該提督覘賊所向迎頭剿擊毋令賊騎入陝荆子關等處有險可扼著劉督調派兵勇妥爲防範喬松年尙無啟程信息該署撫一日在陝當盡一日心力不得存五日京兆之見儻任賊入秦定惟劉督是問宋慶一軍前次剿賊甚爲出力並著李鶴年嚴飭宋慶激勵部勇會合霆軍前擊後追以收聚殲之效省防河防並須認真籌辦毋稍疏懈曾國藩已由臨淮赴周口何日到營殊深屢繫任賴等股盤踞葉縣陽擾及西平著曾國藩督飭周盛傳等軍剿辦此股賊匪仍兼顧陝省門戶該大臣並當與官文曾國荃隨時商統籌全局以期廓清餘孽速竟全功將此由六百里各諭令知之○諭李雲麟奏遵旨進規烏魯木齊請旨豫定節制請飭後路征兵徑赴奇古並催兵出關兼籌甘肅撥兵情形各摺片李雲麟所籌將三路之兵合攻烏魯木齊在古城安設糧臺按兵給餉並烏科三城見調蒙古四千名定期前進各節均著照所請行成祿一軍前請令楊岳斌另行派兵圍攻肅州以便騰出該提督出關乃聞時甚久該督並未派兵更替嗣據成祿奏報賊勢甚熾圍剿正當喫緊是以仍令成祿一軍迅速攻拔肅州俾出關後不至有所阻滯茲據李雲麟奏甘肅省城令楊岳斌撥兵駐守飭鶴齡一軍與黃祖淦共圍肅州惟黃祖淦所部不過千餘人而成祿額招之南北兩營二千餘人俱係本地練勇出關未必得力若將此項練勇歸併黃祖淦與成祿共圍肅州則成祿一軍可以更換出關等語所籌亦尙周妥楊岳斌回省布置計已大定著即速飭鶴齡督兵西進會同黃祖淦接辦肅州攻剿事宜毋再任意抗違自干罪戾成祿於鶴齡等抵肅州後即趕緊啟程鼓行而西馳赴奇古一帶會同李雲麟等軍相機剿辦不准藉詞延宕李雲麟見在督兵進剿即著恪遵疊次諭旨調派各軍奮勉立功以副委任奇古民勇進攻逆回先勝後敗散糧難爲賊踞而該處民勇志切同仇自屬可用李雲麟務當迅速前進招集練勇鼓舞而振作之因糧於賊當可協助官軍共殲醜類也將此由六百里各諭令知之○辛丑諭軍機大臣等劉振昭奏籌剿仁懷就匪布置情形一摺劉振昭見在折回黔邊因黔西大定畢